



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1845**

CXII. Heinrich von Rochow verkauft dem Dechanten und einem Domherrn  
Besitzungen im Schulzenamte des Dorfes Niendorf, am 7. Sept. 1329.

---

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

**CX.** Arnold von Luderitz, genannt von Jagow, verkauft seinem Bruder Wasmuth Hebungen aus Buchholtz, am 14. Febr. 1328.

Ego Arnoldus de Luderitz, dictus de Jaghowe, famulus, — profiteor recognoscens, quod dilecto meo fratri, domino Wasmodo de Luderitz, Stendalensis Ecclesie Canonico, de decima, quam ego et mei heredes cum dilecto meo fratre alberto milite et caro meo fratruale thiderico famulo, dictis de Luderitz, in uilla bucholtz possessorie habebamus, meam et meorum heredum partem vendens rite dimisi et in dicta decima ius, quod michi competit et meis heredibus competere posset quaecumque, una cum viginti pullis in dicta uilla bucholtz tollendis libere annuatim, Renuncians omni antedictae decime et pullis et omni Juri, quod mihi aut meis heredibus in indictis decima et pullis in posterum contingere posset aut successoribus quibuscumque. Et ut ista vendicio, renunciatio et dimissio in perpetuum integre conferretur et ante prefectum et villanos ibidem in uilla bucholtz coram iudicio notificata et presenti littera munita, meo Sigillo stabilita, presentibus etiam testibus honorabilibus viris domino decano sancte marie in halberstadt, Alberto de Luderitz milite, meis fratribus, et bussone de bruncowe famulo et prefecto in bucholtz et pluribus aliis fide dignis, Datum anno Domini M<sup>o</sup>. CCC<sup>o</sup> XXVIII<sup>o</sup>, in die valentini.

**CXI.** Heinrich von Rochow verkauft dem Dechanten zu Stendal Besitzungen in dem Schulzenamt des Dorfes Niendorf, am 7. Septbr. 1329.

Nos Hinricus de Rochowe, in Berghe residens, necnon Wychardus, Bethekinus et Johannes fratres eiusdem cognominis de Rochowe, Recognoscimus publice protestantes, Quod honorabili viro, domino Frederico de Oftheren decano stendalensi, Avunculo nostro dilecto, iusto contractus titulo pro numerata pecunia videlicet XIII marcarum vendidimus omnia, que Nyendorp in curia scultheti et ejus officio habuimus cum omni jure, quo ipsam curiam suis libertatibus longis temporibus pacifice possideramus et quiete, Itaque quod dictus dominus Fredericus de predicta curia et suis attinentiis disponere valeat libere et donare, et testamentarii sui de ea ordinare poterint pro libito voluntatis. In quorum evidentiam sigilla nostra presentibus duximus apponenda. Presentibus honorabilibus viris domino Johanne de Belin, domino Wasmodo de Luderize, Canonicis in Stendal, Alberto de Luderize milite ac pluribus aliis fide dignis. Datum Goltzowe, Anno domini M<sup>o</sup>. CCC<sup>o</sup>. XXIX<sup>o</sup>. in vigilia Natiuitatis Beate virginis gloriose.

Das Siegel Heinrichs mit 3 Rochen, die beiden andern jedes mit einer Roche.

**CXII.** Heinrich von Rochow verkauft dem Dechanten und einem Domherrn Besitzungen im Schulzenamte des Dorfes Niendorf, am 7. Sept. 1329.

Ego Henricus de Rochowe, residens in Berghe, recognosco publice protestando, Quod honorabilibus viris dominis Frederico Decano et Conrado Canonico ecclesie Stendaliensis, fratribus dictis de Oftheren, avunculis meis dilectis, iuste vendicionis titulo pro numerata pecunia

videlicet Tredecim marcis argenti Brandenburgici vendidi omnia, que Nyendorp in Curia sculteti et ejus officio habui, cum omni iure, quo ipsam Curiam suis libertatibus longis temporibus pacifice possederam et quiete, Itaque quod dicti domini Fredericus et Conradus de predicta Curia et suis atinentiis disponere valeant libere et donare, Et testamentarii eorum de ea ordinare poterint pro sue libito voluntatis. In quorum euidenciam sigillum meum presentibus duxi apponendum. Presentibus honorabilibus viris domino Johanne de Belyn, domino Wasmodo de Luderize, Canonicis in Stendal, Alberto de Luderize milite ac pluribus aliis fide dignis. Datum anno domini M<sup>o</sup>. CCC<sup>o</sup>. XXIX<sup>o</sup>. In vigilia natiuitatis beate Marie.

**CXIII.** Die Knappen Gyfo, Godeke und Volceke Schönberg verkaufen dem Domstifte das Dorf Staffelde, am 16. Apr. 1330.

— Nos Gyfo, Godeke et Volceke fratres, armigeri, dicti Sconeberche, — honorabilibus viris dominis Canonicis in Stendal et ecclesie eorundem iusto contractus titulo pro numerata pecunia scilicet centum et XI. Marcarum stendaliensis argenti, villam In Staffelde vendidimus cum omni Jure, quo ipsam possederamus in alto et basso, cum Jure patronatus, cum equo pheodali, cum minuta decima super Cofatos, cum seruiciis curruum et quibuscumque aliis seruiciis, cum pratis, pascuis, nemoribus, mericis, siluis, lignis, agris cultis et incultis, aquis, viis et inuis, cum omnibus sui distincti-  
onibus, cum decem et octo Talentis reddituum et omnibus suis pertinenciis, quibuscumque eciam nominibus censeantur. Preterea recognoscimus Quod bona omnia et singula ad manus et pro commodo predictorum dominorum canonicorum in inpheodatione nostra pristina illesa debemus fideliter seruare, donec sepedicti Canonici pro resignacione predictorum honorum nos duxerint requirendos. Nam extunc ipsa absque vlla difficultate, quando et vbi sepefati Canonici decreuerint, libere volumus resignare. Nos nichilominus predictos Canonicos et suam ecclesiam de bonis predictis coram quibuscumque requisiti fuerimus, plenarie volumus Warandare . . . Fideiussores vero pro omnibus et singulis obligacionibus predictis honorabiles viri Hinricus de Runttorpe, Heyfo de bertekowe, Zabellus de Nyenkerken, beteke et fritseko dicti de dequede et hennig de brizeke armigeri, qui vna nobiscum tribus, vt premittitur fideiussores promiserunt. Et si aliquem vel aliquos ex ipsis vel nobis nutu dei morj contigerit, Tunc alius vel alii in locum mortui vel mortuorum per nos infra mensem a tempore mortis computandum debet vel debent absque contradictionis iaculo subrogari. In quorum euidenciam sigilla nostra vna cum sigillis aliorum confideiussores nostrorum predictorum presentibus duximus apponenda. Datum stendal, anno domini M<sup>o</sup>. CCC<sup>o</sup>. XXX<sup>o</sup>, secunda feria post quassimodo geniti.

**CXIV.** Das Domcapitel acceptirt das von dem Vicar Rose erhaltene Vermächtniß, am 30. Nov. 1330.

— Nos Fridericus decanus Totumque Capitulum Ecclesie sancti Nycolai in stendal, Recognoscimus et presentibus profiteur, Quod honestus vir dominus Rosa dicte ecclesie nostre perpetuus